

浙江文叢

輿地紀勝

〔第六冊〕

浙江出版聯合集團
浙江古籍出版社

浙江文叢

輿地紀勝

〔第六冊〕

卷第七十一至八十八

〔宋〕王象之 編著 趙一生 點校

浙江出版聯合集團
浙江古籍出版社

輿地紀勝卷第七十一

荊湖北路

沅州

敘州唐天授爲敘州

巫州開元

潭陽天寶郡名

州沿革

沅州，下。潭陽郡，鶡尾楚分。按《新唐書·志》云：岳（陽）「鄂」、潭、衡、永、道、郴、邵、黔、辰、錦、施、敘、（漿）「獎」、夷、播、思、費、南、溪、（湊）「溱」^{〔一〕}爲荊湖北路。《春秋元命包》曰：軫星散爲荊州。昔秦昭「襄」^{〔二〕}王使白起侵楚，略取蠻夷地，爲黔中郡。漢高祖改爲武陵郡，屬武陵郡之舞陽縣地。《元和郡縣志》。武帝始開西南夷，置牂牁郡，屬益州。元鼎六年。梁置沅陵郡。隋平陳，以郡爲辰州。《元和郡縣志》敘州下載《荆南記》云：『舞溪獠、獠之類，其縣人但羈縻而已。溪山阻絕，非人跡所履。又舞陽烏獠萬家，皆咬蛇鼠之肉，能鼻飲。』隋初於此置辰州。唐析辰溪置麻陽縣，武德三年。以龍標置巫州，貞觀八年。更巫州曰沅州。天授三^{〔三〕}年，風俗使（石）「右」^{〔四〕}肅政侍御史席元明奏巫州不

在州界，改爲沅州。事見《寰宇記》，《通典》同。復以沅州爲巫州，《元和郡縣志》云：『開元十三年，以「沅」、「原」〔五〕聲相近，復爲巫州。』《通典》同。爲潭陽郡，天寶元年。更巫州爲敘州。大曆五年。溪州刺史彭士愁遣其子師曷率錦、獎諸蠻降，僞楚馬希範。事見《皇朝郡縣志》。辰州會溪城始末。五代，敘州刺史鍾存志奔武陵，而土豪大姓分擅封壤。《圖經》。本朝神宗命章子厚收復其地，置沅州，《續通鑑長編》云：『熙寧十年五月丙戌，詔置沅州，以懿州新城爲治，縣以盧陽名，從章子厚請也。』《國朝會要》云：『熙寧七年，以唐敘、錦、（獎）〔六〕三州地置沅州。』割辰州之麻陽縣來屬。當年九月。今領縣三，治盧陽。

縣沿革

盧陽縣，下。

倚郭。《皇朝郡縣志》云：『本漢無陽縣地，屬武陵郡，東漢省。晉、宋爲舞陽，後省。梁置龍標縣，屬沅陵郡。隋屬辰州。唐析龍標置潭陽縣，屬敘州。五代僞楚以其地爲懿州。』《圖經》云：『本唐之潭陽縣地，以其在潭水之北，因以爲名。馬希範以爲懿州，又改爲治州。』《唐志》敘州潭陽縣下注云：『先天二年，析龍標置。』《國朝會要》云：『熙寧七年，以敘州潭陽縣地置盧陽縣。』《輿地志》云：『縣有（獎）〔七〕州鋪，唐獎州是也。』

麻陽縣，「下」〔八〕。

在州北一百七十里。《元和郡縣志》云：『陳天嘉三年，於麻溪口置戍。垂拱四年，置龍門縣，尋改爲麻陽縣。』《圖經》云：『錦州之舊縣有麻陽、招諭二縣，舊隸辰州。熙寧七年，以麻陽來屬，至乙卯年，又廢招諭縣入麻陽。』《唐志》麻陽縣下注云：『（武德）「垂拱」四年〔九〕，析置龍門縣，尋省。』《國朝會要》云：『太平興國七年，析麻陽縣地置招諭縣。熙寧七年，割辰州之麻陽縣隸辰州。元祐元年，廢辰州招諭縣，隸沅州麻陽縣。八年，省錦州寨地入焉。』

黔陽縣，「下」〔一〇〕。

在州北一百七十里。《皇朝郡縣志》云：『本漢鐔城縣地，屬武陵郡。唐貞觀八年，置朗溪縣。』《圖經》云：『本唐朗溪縣地。唐貞觀八年，析巫州之龍標置。熙寧收復爲黔江城。』《國朝會要》云：『元豐三年，陞爲黔陽縣。』

風俗形勝

牂牁、武陵二（縣）「郡」〔一二〕之交。《圖經》。西南君長以十數，而夜郎最大。《西漢·南夷傳》。地多雨潦，俗好巫鬼。同上。四塞重阻。《隋地理志》。嗜好居處，頗與巴、渝同。俗本其所

出，承槃瓠之後。服章多以班布爲飾。《隋地理志》。有明山崗巒重複，朝抱郡城，飛雲濃嵐，望如屏圖。《圖經》。武陵州接夜郎諸夷。《唐志》。溪山阻絕，非人跡所履。《元和郡縣志》敘州下。熙寧間，開拓沅州。《圖史》云：『熙寧中訪察湖北，常平使章子厚開拓沅、辰州，分辰州麻陽縣屬焉。』子厚夜築城，西偏一面，比曉而畢，東南北三面，三日而成。《圖經》。徽宗朝，沅州蠻擾邊，知樞密院事蔣之奇請遣將討之，收其地爲徽、靖二州。《事略》。江山風物之所蕩，指事成歌詩。劉禹錫《劉氏集略說》：『及謫于沅湘間，爲江山風物之所蕩，往往指事成歌詩。』

景物上

辰山 在麻陽。

沅水 《輿地廣記》云：在黔陽。

豐溪 在鎮江寨。

折溪 在黔陽。

明山 在盧陽縣之主山也。

峨山 在若溪寨。

楊溪 在盧陽。

澗水 在盧陽。《新經》曰：『巫、無、濩、澗，一水而五名，聲之變耳。』

舞溪

《寰宇記》載《荊州記》云：『舞溪謂之朗溪，蓋與朗水合流也。又舞溪東流入沅而接牂牁，即此水也。』又云：『出故且蘭縣界。』

花山

在盧陽。石青赤，相映如繡，又謂之繡崖。

竹山

在盧陽山，多大竹。

茗山

《寰宇記》云：『尤特險峻，木多杉栲，獸多熊、豹也。』

繡崖

見花山下。

烏溪

在鎮江寨，出保牢山。

黃田

在鎮江寨，烏溪經焉。

犀溪

在盧陽縣界。

龍溪

在鎮江寨界，今謂之龍門溪。

莫徭

『《雜》有夷（徭）「蜒」，或名莫徭，自云「其」^{（二）}先祖有功，常免徭役。』《隋志》。

硃砂

砂之品甚多，大率出老鴉井者爲上。其大如栗，有芙蓉、箭簇，光色明徹者，又爲鴉井丹砂之

最。夏秋間，積柴穴中，至冬以火取之，所謂火井砂也。其西律九井及萬山所出，乃水井砂，抑又次焉。若出於

晃州者，顆塊或大，然理虛色濁，謂之豬肺砂，土人煉之爲水銀，斯爲下矣。麻陽縣之甕標溪有羅瓮七井，麻陽

縣之甕標北有西律七井，麻陽縣之獎、波、晃之三州有萬山一井，□□□□□□□□□□。

景物下

精果寺

在羅城內。又名景星寺，有晉天福鐘尚存。

景星寺

同上。

大煙溪

在黔陽。

明山廟

在城北六里。章子厚以兵事禱之，得吉卜，而蠻人田元猛果降。

青紅山

在麻陽。岩嶺掩映，花竹叢翠，望之如畫，故名。

高明山

在鎮江寨。其地高而寒，多處群山之中最爲高峻。

熟平鋪

在黔陽。

欺阿崖

在麻陽。《寰宇記》云：『望之如積雪，故名。』

雪騰湫

在安江寨。歲旱祈之，常有雲雨之應。

天府渡

在盧陽東南七里。

昭靈廟

在盧陽。即三閭大夫廟也。

潛靈廟

在盧陽古白龍潭側。

保牢山

在鎮江寨。昔人保聚其中，以其牢險，因名。

武陽山

《寰宇記》載《郡國志》云：『龍標武陽山有人，每土人聚，即來入，衆莫能辨，惟脚趾向後而

踵向前，以刀斧斫之不死，唯以杉木爲刀，擬之，方去。」

晉褒城

《九域志》載《十道圖》：有晉褒城。

白馬廟

在盧陽，即蜀將張飛也。

白龍潭

在盧陽。有潛靈廟。

紫霄山

在黔陽。

黃陵城

在麻陽。

白旗渡

在麻陽。

石梯山

在麻陽。有磴路如梯。

石馬溪

在盧陽。

金斗崖

在黔陽。崖面有黃石如斗，因名。

銅安寨

元屬辰州，後廢，宣和建寨來屬。

錦州渡

在麻陽。

龍標驛

在鎮江寨。見前武陽山注。

龍門溪

在鎮江寨。《水經》注「云：『有獨母水南出龍門，入辰州。』」

雞翁山

在黔陽。

虎踵渡

在麻陽。

犀迷山

在麻陽。昔有山犀出其上。

犀皮渡

在麻陽。原出青紅山。

龍井洞

在盧陽縣之後山。其洞有三：一曰龍井；二曰乾井，在龍井之側，有石屋三間，內有石佛及

石供器，皆自然而成；三曰小井，在乾井之側。

大浴洞

在黔陽縣，去州五十三里。洞中沈邃回曠，泉流不絕，莫知所從來。曾貳車維作古風以紀其

實，如『溜乳成堅凝，削玉排簪纓。冽泉駛而清，平沙柔可藉。』

雙髻峰

在盧陽。

五峴坡

《圖經》云：『五峴坡截然高峻，昔恃此以爲固。』

七寶山

在黔陽。上多楠木、七里香花。

苞茅山

《元和郡縣志》云：在麻陽縣西南三百五十里。《武陽記》云：『上有三脊茅，可以縮酒。』

《寰宇記》云：『即楚國人貢之茅。』

菱托鋪

在黔陽郡。

幽蘭鋪

《雲谷雜記》云：『沅州道間有古驛曰幽蘭鋪，有徐秘者經過，書詞於其壁云：「秋欲暮，路人

亂山深處，撲面西風吹霧雨，驛亭欣暫駐。可惜國香風度，空谷寂寥誰顧，已作竹枝傳楚女，客愁推不去。」秘字公飾，不知何許人也。』

楠木山

在便溪寨。其山多出楠木。

奇柑山

在盧陽。上多柑橘，故名。

(若)「苦」^{〔二四〕} 杏城 《九域志》載唐《十道圖》：有(若)「苦」^{〔二四〕} 杏城。

赤竹山 在江安寨東六十里。

隘寨崖 在鎮江寨。有二崖相對如門扉，土人常以爲固，因名。

屏風崖 在江安寨南五里。石壁蒼白，高數十丈，下有二石對立，名雙石崖，又名屏風。

板門山 在鎮江寨。對峙如門。

疊石山 在若溪寨。其上有石峰如浮圖狀，故名。

瀑布山 在盧陽。上有飛泉如匹布。

濃連山 在盧陽。

浮連溪 在盧陽。

同天寺 在麻陽。

齊天山 在麻陽。

洪江溪 在安江寨。

安江寨 鎮江寨 本唐之龍標縣，貞觀八年，以縣爲巫州。熙寧收復以其地置寨，元豐三年廢

爲鋪。

羅公山 在安江寨東南八十里。昔有隱者姓羅居此山，有道術，民祈請輒驗。今謂之羅公王即此神

也。絕頂有池，廣數十里，每〔夜〕〔晝〕陰霾，〔晝〕〔夜〕^{〔二五〕}有物如明月游水上。

花山赤崖

在盧陽縣。祈求感應，有保安山神廟。

浮洞山神

在盧陽縣浮連。浮洞（上）「山」^{〔一六〕}神，祈求感應。

古跡

故龍標縣

今鎮江寨也。《元和郡縣志》云：「本漢之武陽縣地。《舊輿地志》云：『縣本治在舞水之

陰，後漢省入辰陽縣。隋初於此置辰州，煬帝廢州。唐武德七年，置龍標縣，貞觀以爲巫州。古龍標城在鎮江

寨南三十五里，即唐敘州所統龍標城。』

龍門縣

在麻陽。唐垂拱二年置，屬辰州，尋省。熙寧七年，以其地置獎州鋪，唐獎州地也。

巫陽故城

在辰溪縣。

郎溪故城

在黔陽縣。《元和郡縣志》云：「大漢潭城縣之地，晉安帝省。唐貞觀八年，析龍標縣置，

在郎溪之側。』

馬王城

在黔陽縣東。

都督山

在麻陽。昔有將帥駐兵於此，故名。

渭溪城

在盧陽。即唐獎州所治之城也。

峨溪城

在盧陽，宜、洽二州之間。

故富州印

《續通鑑長編》云：「熙寧六年，南江歸明人向永晤奉其祖防禦使通漢所受真宗塗金校

椅、銀裝劍及富州印來獻，詔以劍椅先朝所賜，還之，而留其印。』

晉天福鎮 在精果寺。

唐明皇御像 在峨山。天寶中，範銅爲鎔，黃金爲飾。舊傳逐州觀（冬）「各」^{〔一七〕}賜一軀，此則當時

賜獎州者。熙寧七年，自峨山載至州，今在天慶觀。黔陽縣普明寺亦有唐賜敘州唐明皇銅像。

忠賢堂 乃郡守張建侯、盧陽令王憲之及郡守汪侯長源之祠也。王令、張侯、汪侯並見官吏門。

昭烈廟 在城內，五代時滑臺張氏也。政和初，潘宗巖反，攻城，賊望見軍馬出城皆鬼狀，於是駭散。

其後黃俊叛，及曹成攻城，城不失守，皆神之力，累封八字王，廟號昭烈。

槃瓠子孫 《荊州記》云：『沅陵居西口，在上就、武陽二鄉，惟此是槃瓠子孫。』然按漢《南蠻傳》謂武

陵長沙蠻皆槃瓠之後，而今州西南有狴、矜、（據）「獠」^{〔一八〕}、獠、不狼聚落，其名皆犬屬，而謂槃瓠子孫止於二鄉者，其說誤矣。

新息王廟 在麻陽。即馬援行祠也。

向崇班廟 名真廟，在安仁寨。熙寧六年，蠻賊舒光貴等虜真，真激憤罵賊，遂爲所害。察訪提舉章

子厚奏，乞褒贈并於安江寨立廟（於）「旌」^{〔一九〕}表。勅賜內殿崇班，誥詞云：『故辰州江南歸明溪峒，硤州軍衙頭指揮使向真，義不受辱，忠不顧死，知命者之所難爾。以峒夷行已至此，宜有褒勸，以顯其名，躋官內庭，用貴幽隧，可特贈內殿崇班。』

官吏

唐·高力士，《圖經序》云：『力士得責巫州。』

王昌齡，《新唐書》：『王昌齡，江寧人。爲詩縝密

而清新，自江寧縣丞貶龍標尉。』

〔國朝〕·張建侯

王憲之，政和間，黃安俊叛，圍鎮江寨，張侯、王令

率兵救之，駐于盈口。寇薄之，衆將潰，請守令以身邀，則曰：『爾衆就死，吾其可獨生？』遂出戰，俱被執。賊

迫守諭寨中降，守給諾，至寨下大呼曰：『凡爲人當識逆順，我已陷賊，萬無求全理，汝等宜堅守，勿以我故懷二

心。』守陴者不下，賊怒，并害之。邦人哀其忠，立祠于盈口報國寺，名其堂曰『忠嘉』。

汪長源，靖康之

後，汪守是邦，增城浚池，而甲冑、刀鎗、弓弩及〔蘭〕〔石〕、渠答之類無所不備，其後巨寇曹成來攻沉，凡

攻城之具無所不施，城中皆有以應之，民賴以安，侯之力也。

向崇班，詳見古跡門。

汪徹，浮梁人

也。紹興二十六年，自沅州教授爲秘書省正字，不爲秦檜所知，時万俟卨謫沅州，徹從之游，至是薦用。

万俟卨，《繫年錄》云：『紹興元年，初，万俟卨避亂居沅、湘間，安撫程昌寓檄卨權沅州事。曹成掠湖西，掩至

城下，沅城小而惡，卨晝夜廬城上，召土豪，集丁壯以守，〔城〕〔成〕食盡引去。』

詩

楊花落盡子規啼，聞說龍標過五溪。我亦甘心寄明月，隨君直到夜郎西。唐詩人王昌齡嘗尉

是邑，李白以詩送云云。注：『龍標在古夜郎東南，今辰溪縣，乃隋之夜郎。』此云西者以《隋地理志》言之也。

沅江流水到辰陽，溪口逢君驛路長。遠謫惟知望雷雨，明年春水共還鄉。王昌齡《送人往沅

陵》。 激浦潭陽隔楚山，離罇不用起愁顏。明祠靈響期昭應，天澤俱從此路還。王昌齡《送

別》。 南浦逢君嶺外還，沅溪更遠洞庭山。堯時恩澤如春雨，夢裏相逢同入關。前人《西江

寄越第》。 昨從金陵邑，遠謫沅溪濱。前人詩，事見官吏門。 沅水羅文海燕回，柳條牽恨

到荆臺。定知行路春愁裏，故郢城邊見落梅。李群玉《送客詩》。 善戰無如新息侯，漢兵纔

渡綠蘿洲。愛君挽我陶溪粟，直到牂牁水口頭。《東皋雜錄》載，熙寧中，章子厚奉詔城沅州時，陶弼知

辰州，贈詩云云。今詩在洪江寨，正與牂牁水相直。 使介直登雙御閣，州符就領五蠻溪。爭雄白

鵲臨崖鬪，憶子玄猿遶澗啼。云云。 險盡天開溪路平，詩書新將典新城。三千戍卒今無

戰，十萬屯田古未耕。屬縣乞除防虎檻，生蠻願獻採砂坑。陶弼《寄新沅守謝麟閣副》。 節逢

重九日，郡占五溪間。止水痕依岸，行雲影過山。陶弼《九日登群山樓》。 歌吹深秋節，香燈

古佛園。細泉初落石，遠岫正當門。前人《題淨因寺》。 東海舊場屋，南江新塞垣。云云。

草暖聞鳴鹿，江清對飲猿。何時一樽酒，重上謝公軒。謝公軒乃群山樓，陶弼《寄沅州幕王久道推

官》。 路到龍棲處，陰森覺有靈。山腰過雲黑，石眼出泉腥。陶弼《題武溪龍（書）「棲」〔三〕廟

壁》。 武溪，《九域志》云舞溪，當考。

四六闕

校勘記

〔一〕按新唐書志云岳陽……敘槩夷……溪湊 查《新唐書·地理志》，『陽』誤，當作『鄂』；『槩』當作『獎』；『湊』誤，當作『湊』。

〔二〕昔楚昭王使白起侵楚 按《元和郡縣志》、《資治通鑑》，作『楚昭襄王』。

〔三〕天授三年 舊新《唐書》均作『二年』。

〔四〕風俗使石肅政侍御史席元明奏 『石』誤，作『右』。

〔五〕以沅原沅聲相近復爲巫州 下一『沅』爲衍文，當刪。

〔六〕以唐敘槩三州地置沅州 『槩』當爲『獎』。

〔七〕縣有槩州鋪 『槩』當爲『獎』。

〔八〕麻陽縣 闕等級詞。按《宋史·地理志》，補『下』。

〔九〕武德四年析置龍門縣 按舊新《唐書》、《元和郡縣志》，均作『垂拱四年』。

〔一〇〕黔陽縣 闕等級詞。按《宋史·地理志》，補『下』。

〔一一〕牂牁武陵二縣之交 『縣』當爲『郡』。

〔一二〕莫徭有夷遙或名莫徭自云先祖有功 按《隋書·地理志》，『有夷』上有『雜』，『遙』作『蜒』，『自云』下有『其』。

〔一三〕水經云有獨母水南出龍門 『水經』下當有『注』。

〔一四〕若杏城 按《元豐九域志》，『若』作『苦』。

〔一五〕每夜陰霾晝有物如明月游水上 『夜』與『晝』當互換。

〔一六〕浮洞上神祈求感應『上』當爲『山』。

〔一七〕舊傳逐州觀冬賜一軀『冬』誤，當爲『各』。

〔一八〕西南有狷狔據獠不狼聚落『據』當爲『獠』。

〔一九〕於安江寨立廟於表『於』誤，當爲『旌』。

〔二〇〕弓弩及蒯石渠答之類『蒯』當爲『蘭』。

〔二一〕城食盡引去『城』當爲『成』，指上文『曹成』。

〔二二〕陶弼題武溪龍書廟壁『書』當爲『棲』。